

老里八早

老底仔哪能办年货

文/崎笔叟

昨天回家路上,差头司机突然问起我农历啥日脚了。我说,明朝要吃腊八粥了。年过半百个司机勿禁慨叹,现在过年,也太吓没样子了。是呀,放辣过去,选个辰光家家户户早就忙得个七七八八了。

首先就是买年货。勿但要凭票证,还要半夜三更去排队。鸡鸭鱼肉、皮蛋烤麸、糯米芝麻、花生红枣、金针木耳,悉数配给供应,要分头去排队买,化个三五天是常事。

回到家里,公用厨房里又是另一番闹猛。邻居互相总要评头论足一番:依买个母鸡肚皮里还有软壳蛋,阿拉个带鱼肚肠烂出来了,大粒花生吓没小粒花生香,大炮红枣卖相勿错味道推板,连绵白糖也要

拆包,放到亮光下面去比较一下。接下来个便是腌。一块猪后腿,勿能用生水洗,切开几条缝,抹上粗盐花椒,穿上麻绳吊到阳台浪。今年只请一桌客人,用半只鸡、半只鸭做冷盆,已很拿得出手,余多两个半只也腌一腌,挂到厨房窗外个钩子浪。乡下亲戚送来个鳊鲞,也要用竹筷撑开肚皮寻地方挂。一时间,弄堂阳台里、窗檐下、晾竿上,处处琳琅满目。

浸,也是江南人家必勿可少个,尤其阿拉宁波人。有三样东西必浸。一曰糯米。过年吓没水磨粉,勿吃猪油汤团哪能来事。糯米至少要浸两日两夜。二曰年糕。年糕年年高个意思,大家要讨口彩。只是当年个年糕少有糯米做个,一般用粳米,有个还

掺杂少量早籼米。粳米籼米性硬,所以也要事先辣冷水浸,掰个又是几盆几钵。三曰笋干。吓没水笋烤肉,也要举家勿欢。老话说,一斤浸七斤,即一斤笋干可以浸得七斤水笋,但又是需要容器。

此时,家里早就盆满钵满。由于容器紧张,勿晓得从哪年开始,阿拉姆妈就要阿拉先期开切。毕竟切开水笋、年糕碎片占个体积经济划算。但吓没切过,还真勿晓得其中之难。大冷天,又依是石骨铁硬个东西,很多时候双手压刀背还勿够,还要伸直手臂,脚也要踮起来用力,才切得开。吓没切多少,就会去磨一磨刀,忙煞。

年糕水笋靠切,糯米就要靠磨了。伊辰光,石磨往往十来家人家

中,才有一家,于是邻舍隔壁大家商量出个先后秩序,轮着用。轮到拿磨搬来,也只要一两天时间。只好连夜推磨。

还有就是做蛋饺了。老早过年,勿论是自家个年夜饭,还是年节里请客,最后上个砂锅汤,一律是下面放个蹄膀,白汤,上面放黄芽菜、粉丝,还有就是蛋饺了——迭个是基本规格。考究点再放肉丸、熏鱼啥,葛末就是三鲜砂锅了。蛋饺所以要求勿做,做起来依是几百只,最少也要百多只。做蛋饺勿能用大火,要微火,所以都是煤炉先封起来,上好铁板后,就着一只小孔来做。辣辣方面,煤气灶竟毫无优势可讲。所以,阿拉姆妈有时宁可走好长一段路到弄堂里

去借只煤炉来做蛋饺。

伊个年头,圆台面也勿是家家都备有个。也是要靠邻舍隔壁事先商量,安排好客人,轮仔用。到辰光,勿但圆台面事先扛过去,还顺手送几只骨牌凳过去,客人多了,家常个不见得够用。归那个时候,还有一番攀谈呢。“哟,伊个瘦瘦长长个是爷叔啊,卖相好得来,鼻头管煞挺,外国人一样喏。”“还有,二娘舅女儿勒看只有五六岁,长得比伊拉娘还要漂亮,大起来伊个人肯定摸老老。”“寻着伊也勿一定吃得牢,哈哈哈哈哈……”

写着写着,真想到很远很远的乡下去过个年。乡下个年味道总归还比匆匆忙忙个都市里来得浓哦。

闲话沪语赛

『沪语』与『上海闲话』啥差别?

文/宗为

“爱上海·大声说”第二届主持人沪语大赛经过2个多月初赛、复赛共10场比拼,突围个5位选手,1月31日辣上海月星环球港进行了决赛。决赛经过三轮精彩、激烈个较量,来自第一财经广播个主持人、重庆妹子、准妈妈严丹最终脱颖而出,获得了本届大赛个冠军。

冠军只有一名,但所有参赛选手,辣学习沪语方面都会有很大收获,尤其是从复赛进入决赛个几位,像上海交通广播主持人郭亮、五星体育电视主持人张蕾,伊拉是一步上一大台阶,一步上一大台阶,决赛与初赛时相比,沪语水平个提高是实实在在个几何级数。从掰个角度讲,两人收获最为丰厚。掰也是东方广播中心举办“爱上海·大声说”沪语比赛个初衷。东方广播中心常务副主任孙向彤表示,主持人沪语大赛“起到了地域文化的推介作用,让新、老上海人都能在这座城市一起共生共荣,实际上也是希望更多的人能热爱上海这座城市,能够更加关注和支持上海的文化”。

仔细琢磨,大赛定名为“沪语”而非“上海闲话”也是精心推敲个结果,两个名称个差别应该类似于“普通话”与“北京话”的差别。“沪语”属于基本、基础个上海话,而“上海闲话”更多是个土生土长个上海人互相交流时个上海话,两者语音基本相同,但词汇、语法上还是有较多差异。

掰个大赛个目的明确,就是推动已将近上海一半人口个一千多万新上海人学讲上海话,当然要定位基础、基本,有了基础、基本,新上海人辣上海工作生活才能消除勿便,掰个便利同时惠及上海人口一半多一个上海本地人,所以,伊个功效是双向和翻倍个。至于色彩、滋味更丰富个“上海闲话”,掰是要有了基础之后逐渐随着时间个积累来慢慢理解、体味个,急功近利勿得。

顺便说说“上海闲话”。最近十多年,掰个原汁原味个“上海话”,像“老北京话”一样,实际使用中减量、萎缩个速度越来越快,越来越明显,应该看作语言环境变化带来个冲击。因此,“上海闲话”个困境,肯定要大大个大于“沪语”。

掰是个大问题,语言学家们给出个各种方子似也蛮难化解。

沪上老照片

旧弄堂白相

老早房子下头或弄堂里有掰能一块台子,小朋友最开心。弄堂破旧,路面卖相难看,小朋友勿大关心,伊拉关心个是自由自在。下午放学后,寒暑假,小朋友会想出各种花头辣弄堂里白相,勿需要爷娘操心。踢足球、打篮球,吓没照片浪迭种现成台子,就屋里搬几张骨牌凳拼起来打乒乓。迭张照片浪只有两个小朋友搭档辣白相,应该是掰种简单快乐个末期。随着城市个改造,家长普遍对小个宝贝、严管,照片浪个情景现在只有外来打工小孩伊面见得到了。种楠 摄 林庸 文



中药小药材卖铜钿

文/张力平

中医行业需要各类小药材配药煎膏。我小个辰光,收购中药小药材掰宗“小生意”邪气红火。桔子皮、鸡肫皮啥中药材原料辣上海个大小中药房、废品回收站依设有收购点。平时辰光去了最多是个四川北路公益坊旁边个伊家。虽然每次依只换回几分洋钿,但还是老开心,因为当时个一分洋钿也蛮派用场。葛辰光,也常庄有小贩走街串巷,上门收购甲鱼壳、龟壳、乌贼骨、桔子皮、鱼脑石等小药材个。

据说上海目前还保留有几家收购中药小药材个窗口。可以想象伊拉生意清淡,而租金成本和经营费用会难以承受。说是“主要考虑社会效益”,其实也是一种经营策略。按照伊拉个推断,保留掰些窗口,老顾客就会经常光顾,拿平时积攒起来个桔子皮、鸡肫皮、甲鱼壳等卖给了伊拉,同时捎带一些中药材回去。

毕竟时代变了,掰宗“小生意”生存会越来越难。随着生活水平提高,档次、眼界依个一样了,很少有人有耐心去收、卖掰些“垃圾”,怕被人看勿起,反被人看成“垃圾”!小年轻更为勿屑。唉,勤俭节约,物尽其用个好传统真是渐行渐远了!

沪语趣谈

说“赞”

文/周伟民

“点赞”,最早是网络行为,辣微博或博客上看到好文章,阿拉常常辣文章末尾处个“赞”字上点一下,以表达阿拉个赞许,也帮助博主积累人气。逐渐逐渐,被大家延用到生活中来,用来赞扬人和事,比如为某某人个勇敢行为“点一个赞”,等等。

其实,上海方言中,赞扬事

闷声勿响大发财

文/阿仁

是用压岁钿偷偷去买辣弄堂里开炸。乖小囡放炮仗只是找点砖缝墙角来塞点小炮仗放放。过年之后,一条弄堂个粉墙都受伤了,焦痕斑斑,烟灰点点。掰是新年走过个痕迹,勿是脚印,胜似脚印。

现在放炮仗是打仗了。鞭炮做得威力巨大。放炮火变成放礼炮。大礼炮盒子比樟木箱子还要大。有个还要用铁制个炮筒来射击超大炮仗。一看见马路上、小区里有人抱团来放炮仗放礼花,大家退避三舍。我是反对放炮仗大型化、集团化个。城市里是勿允许处处可以来放一通炮仗个。近年来上海人过年勿放炮仗个人家多起来了。放炮仗发财开始变为勿放炮仗,吓没动静来恭候财神菩萨了。掰叫做闷声勿响大发财。有了铜钿银子勿乒乓乓乓,决勿露富。安全。

闲话闲画

过年放炮仗。上海人把鞭炮、爆竹统称为炮仗。阿拉小辰光是几十年前头个事体了,伊辰光过新年几乎家家人家都去买点大小炮仗放放。大炮仗又叫做两响炮,与北方人称之个“二脚踢”意思一样。点好药线,“乒!”蹿到半天高。“叭!”炮仗辣空中当爆炸。大炮仗个大小按长短来区分,有五寸、七寸个规格。大人放大炮仗。放辣水门汀上点竖好个大炮仗是勿够有腔调个。一手捏牢炮仗个中端,伸直手臂。另一手点火。很少有炮仗辣手里开花而炸伤人个。老早仔个鞭炮质量高。后来炮仗是越做越大、越做越粗,质量却是越来越推板。大家怕吃苦头,炮仗就只好脱手放辣地上去放了。小人只可以放放小炮仗。一长串小炮仗一记头放脱实在舍勿得。烟纸店就把整包整串个炮仗拆开零售,专做小朋友个生意。弄堂里个男小囡新年里衣袋中必有几只、甚至一把零碎炮仗。一有机会就放几只来吓吓别人,老少无欺。也因为如此捣蛋,被手脚快个大人一



把搭牢,头上吃几只麻栗子是逃勿脱个。撮派头个大人家一口气会连牢放好几串炮仗。乒乒乓乓响一停,胆子大个小囡就钻进烟尘里去拣哑炮个。哑炮依旧可以带来很多个乐趣。一拗两,中间个火药一点还能放出滋滋声响搭两道交叉个火花来。掰种白相方法有个摆不上台面的讲法,叫:“——”现在勿晓得个小青年可以去问问

